



REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMUNA JUNIK
OPŠTINA JUNIK – MUNICIPALITY OF JUNIK

REFERENC-Ë:	Numër: 02-03/25
PËR/ZA/TO:	Anëtarët e Kuvendit Komunal Junik
NGA/OD/FROM	Shpejtim Gacaferi - Kryesues i Kuvendit Komunal Junik
DATË/A	28.03.2025
TEMA/SUBJEKAT/SUBJECT	Procesverbal

Në bazë të nenit 49 të Ligjit për Vetëqeverisje Lokale (Ligji Nr. 03/L-040, GZRK numër 28/2008), nenit 32 paragrafi 1 të Statutit të Komunës së Junikut, dhe nenit 18 paragrafi 1 i Rregullores së punës së Kuvendit të Komunës së Junikut, KK - Junik mbanë këtë:

PROCESVERBAL

Me rastin e mbajtjes së mbledhjes së tretë (03) të Kuvendit të Komunës së Junikut, me datë: 28.03.2025, duke filluar në ora 10:00. Mbledhjen e hapi dhe e udhëhoqi Kryesuesi i Kuvendit Komunal të Junikut: z. Shpejtim Gacaferi: i cili në fillim përshëndeti, nënkryetarin e Komunës së Junikut z.Besart Tofaj, drejtorët e drejtorive komunale, anëtarët të Kuvendit Komunal, zyrtarët Komunal dhe gjithë të pranishmit me pas konstatoi se mbledhje marrin pjese te 15 anëtarët e kuvendit. Në mbledhje nga drejtoret prezent ishin: znj.Leonora Shehu AD,znj.Vjollca Qestaj-DBF,z.Jetmir Jasiqi-DEZH, z.Zenun Shala DUKM, z.Fatos Shala-DSHMS, z.Demokrat Ganiqaj-DSHPMSI.

Anëtarët prezent

1. Shpejtim Gacaferi - Kryesues, LDK
2. Sadri Krasniqi – Anëtar, LDK
3. Alfred Gaxherri - Anëtar, LDK
4. Mursel Salihaj-Anëtar,LDK
5. Ermelinda Lllolluni - Anëtare, LDK
6. Lirjeta Shehu - Anëtare, LDK
7. Leonard Lllolluni - Anëtar, AAK
8. Zenel Maloku - Anëtar, AAK
9. Dervish Bajraktari - Anëtar, AAK
10. Rajmonda Krasniqi - Anëtare, AAK
11. Erleta Qestaj - Anëtare, AAK
12. Festina Maloku - Anëtare, AAK
13. Lulzim Gacaferi- Anëtar, LVV
14. Eliza Pepshi-Anëtare,LVV
15. Xhemë Tofaj-Anëtar LVV

Rendi i ditës i paraparë

1. Arsyetimi i mungesave në mbledhje,
2. Shqyrtimi dhe miratimi i procesverbalit nga mbledhja e kaluar,
3. Shqyrtimi dhe miratimi i kërkesës për bartjen e të hyrave vetanake nga viti 2024 në vitin 2025,
4. Njoftim mbi shfrytëzimin e pronave komunale,
5. Shqyrtimi dhe miratimi i kërkesës të Planit Lokal për barazi gjinore 2025-2027 dhe Plani i Veprimit,
6. Pyetje nga anëtarët e Kuvendit, dhe
7. Të ndryshme.

Rendi i ditës u miratua me 12 vota për, 0 vota kundër, dhe 0 vota abstenim.

1. Arsyetimi i mungesave në mbledhje,

Ne këtë mbledhje mungojnë, z.Zenel Maloku-AAK, znj.lirjeta Shehu-LDK dhe z.Alfred Gaxherri-LDK.

2. Shqyrtimi dhe miratimi i procesverbalit nga mbledhja e kaluar,

z. Shpejtim Gacaferi, kërkesë nuk ka e qes në votim procesverbalin nga mbledhja e kaluar, kush është për? për 12 vota, kundër 0 vota dhe abstenim 0 vota, konstatoi se procesverbali i mbledhjes se kaluar u miratua.

3. Shqyrtimi dhe miratimi i kërkesës për bartjen e të hyrave vetanake nga viti 2024 në vitin 2025,

Para se ta merr fjalën znj.Vjollca Qestaj për arsyetimin e bartjes se te hyrave vetanake ne sallë erdhi anëtar i kuvendit z.Zenel Maloku më pas.

Sqarimin dhe arsyetimin e bartjeve te të hyrave vetanake nga viti 2024 ne vitin 2025 e beri znj.Vjollca Qestaj-drejtoreshë në DBF

e cila fillimisht i përshendeti të gjithë më pas e sqaroi dhe e arsyetoi bartjen e te hyrave vetanake nga viti 2024 ne vitn 2025, para anëtarve të kuvendit.

z.Leonard Lllolluni, përshendetje për të gjithë, unë deshta një sqarin për shumë prej 84803€, që eshte ne kategorin e shpenzimeve kapitale, bashke finacimi i projekteve dhe kisha dashtë të kemi më shumë informacione se për cilat projekte bëhet fjalë, edhe të ndërtimi i rrethojës dhe rekusturimi i oborrit ne stacioni e autobusave, ne kemi mare infomacion po nga ky kuvend se per kete projekt kemi mare nje donacion nga ministria e zhvillimt rajonal, po ashtu ky projekt regullimi i oborrit ne shkollen fillore "Edmond Hoxha" ne e dime se ky projek ka perfunduar moti, si do qofte te bashkefinacimi i projekte kisha dashtur te di se per cilat projekte behet fjale.

znj. Vjollca Qestaj, për keto projekte kemi folur di sa here në këto kuvend po mundeni edhe në web-faqen e komunës të merni si informacion për keto projekte por si do qoftë po ju rikujtoj dhe një here se behet fjalë për keto projekte, rikonstruimi dhe zgjerimi i rruges Junik-Rastovicë në vlerë prej 610886€, projekti tjetër është asfaltimi i rrugëve në lagjen "Berishë", "Gacafer", Gaxherr dhe Qendër në vlerë prej 20003€, projekt tjetër është rikonstruimi i kanalizimit në Lagjen "Agim Ramadani", Qendër, "Krasniq", "Berishë", "Bajraktar", "Gacafer" në vlerë prej 10000€, poashtu komuna është në bashkëfinancim në projektin e perbashket me "Demos" dhe MAPL në vlerë prej 44500€ këto janë projekte.

z. Lulzim Gacaferi, përshendetje për të gjithë, e di se ju nuk e keni bërë projektin e stacionit të autobusëve në Junik, dhe une keto jame takuar me drejtusit e kompanivet të autobusave që operojnë në Junik dhe ata janë ankuar se hyrja dhe dalja në këto stacione nuk është në baza të nores që kerkohet, po ashtu po thuani se keni ndare një shumë të kosiderume të mjeteve për rikonstruimin e oborrit në këto stacion, tani pyetja shtrohet pse objekti i stacionave ka dy vite që është ndërtuar dhe akoma është i mbyllur.

z. jetmir Jasiqi, përshendetje për të gjithë, objekti percjellës në stacionin e autobusëve nuk është funksional sepse ende nuk ka përfunduar, ndërsa sa i përket hyrjeve dhe daljeve në e kemi zgjeruar hyrjen dhe daljen, dhe tash më nuk ka ndonjë problem për këtë çështje.

z. Leonard Lolluni, meqë e kemi drejtorin e urbanizimit këtu prezent, kemi një shumë prej 10390€ kategoria ekonomike mallra dhe shërbime, nëse mundet me na sqaruar se për çka behet fjalë?

z. Zenun Shala, përshendetje për të gjithë, kjo shumë është e dedikuar për operatorin që është duke na percjellur në projekte.

z. Shpejtim Gacaferi, kërkesë tjetër nuk ka e qes në votim bartjen e mjeteve e vetanake për nga viti 2024 në vitin 2025 kush është për? për 11 vota, kundër 2vota dhe 0 vota abstenim, konstatoi se bartja e mjeteve vetanake nga viti 2024 në vitin 2025 u miratua.

4. Njoftim mbi shfrytëzimin e pronave komunale,

Sqarimin dhe arsyetimin e shfrytëzimit të pronave komunale e beri z. Zenun Shala drejtor – DUKM i cili edhe një here i përshëndeti të gjithë të pranishmit dhe me pas e sqaroi dhe e arsyetoje para anëtarëve të kuvendin njoftimin mbi shfrytëzimin e pronave Komunale.

Kerkese nuk pati

5. Shqyrtimi dhe miratimi i kërkesës të Planit Lokal për barazi gjinore 2025-2027 dhe Plani i Veprimit,

Sqarimin dhe arsyetimin e Planit Lokal për barazi gjinore e beri znj. Leonora Shehu drejtoreshë – AD, e cila fillimisht i përshëndeti të gjithë me pas e sqaroi dhe e arsyetoj para anëtarëve të kuvendit planin lokal për barazi gjinore për periudhën 2025-2027 si dhe planin e veprimit.

z.Shpejtim Gacaferi, kërkesë nuk ka e qes ne votim Planin Lokal për barazi gjinore 2025-2027 si dhe planin e veprimit kush është për? për 13 vota, kundër 0 vota, dhe abstenim 0 vota, konstatoi se plani i veprimit për barazi gjinore u miratua.

6. Pyetje nga anëtarët e Kuvendit

z.Lulzim Gacaferi, pyetje për drejtorin urbanizmit, a e keni hartuar projektin për rrugën në lagjen Gacafer dhe sa keni punuar në këtë drejtim?

z.Zenun Shala, operatori që e kemi kontratuar për projekte shumë shpejt pritet të del në teren që ti bëjë matjet dhe në rrugën e lagjes Gacafer dhe projekti do të jetë shumë shpejt i gatshëm.

z.Zenel Maloku, unë kam pyetje për drejtoreshën e Administratës, a ka komuna komision disiplinor kur një punëtor i komunës bënë shkelje, dhe nëse ka kush janë anëtarët e këtij komisioni?

znj.Leonora Shehu, për secilin rast që ka çështje të ngritur kryetari i Komunës me një vendim ngrit një komision disiplinor, për momentin nuk kemi komision disiplinor të ngritur.

z.Lulzim Gacaferi, pyetje për Kryetarin e Komunës por meqë nuk është kryetari prezent pergjigjen mund ta jep edhe nënkryetari, pyetja ka të bëjë me ujin e pijes në lagjen "Agim Ramadani", pse nuk e keni patur të arsyshëm që në mjete që barten nga viti 2024 në vitin 2025 ti ndani një shumë të tyre bashkëfinacim me "Hidrodrini" që edhe banorët e lagjes "Agim Ramadani" të kenë ujin e pijes si tërë pjesa tjetër e komunës së Junikut?

z.Besart Tofaj, përshendetje për të gjithë, ashtu siq edhe u cek në pikën e e rendit të dities që u diskutuar me heret nga drejtoresha e Buxhetit të gjitha mjete që u bartet nga viti 2024 në vitin 2025 janë obligime nga viti i kaluar me marrveshe që vetem janë të nënshkruar nga viti i kaluar kështu që në shumë që është planifikuar të bashkëfinacimi nuk kemi pasur mundësi, të futim projekt të ri, në si komune kemi biseduar me kompanin hidrodrin, por der tani nuk kemi hasur në mirekuptim nga ta, kemi acarim të mardhenjeve me ta pikerisht për këto çështje andaj mbesim me shpresë që ministria e linjes të ndermar diqka në të ardhmen pasi që kjo çështje është folur edhe në kuvendin e Republikës së Kosovës.

z.Leonard Llojuni, pyetja ka të bëjë me mbeturinat inerte, inspektorat e komunës a dalin të bëjnë vëzhgime për këto deponi pasi që ka deponi të reja e një nder to është tek lumi "Trava" afër varrezave, për deri sa kta inspektor dalin për ta inspektuar një ndërtim të një varri pse nuk dalin ta inspektojnë këtë deponi sepse aty janë duke hedhur mbeturina me të madhen?

z.Besart Tofaj, ne do ti dërgojmë inspektorat që ti inspektojnë këto deponi, dhe nëse ka dikë që hedhë mbeturina ata do të gjobiten, por edhe do të marrin masa që përmes kamerave të identifikojnë këta persona dhe ti gjobitni, ndërsa sa i përket inspektimi të varrezat, edhe inspektorat por edhe policia reagojnë në bazë të një njoftimi ose në bazë të një lajmërimi janë të obliguar të reagojnë.

z.Dervish Bajraktari, përshëndetje për te gjithë, pyetjet janë, kur fillon projekti për qendrën në Junik, kur fillon projekt për ujin e pijes në lagjen "Agim Ramadani", kur fillon rindërtimi i shtratit të lumit Erenik, kur do të hapen rrugët fushore që janë kërkesa që dalin nga ky kuvend që dy vite më radhë, këto janë premtime që ju i keni dhënë gjatë fushatës zgjedhore, po ashtu u përmenden deponitë ilegale një e keni mu në parkun e varrezave të qytetit, po ashtu një të "Kroni i madh", dhe po ashtu keni postuar në facebook se projekti vendosja e kamerave ka përfunduar dhe tani kamerat janë funksionale a kur po duhet që ta dënoni dikë po thoni se kamerat nuk funksionojnë ketu dikush po mashtron.

z.Besart Tofaj, sa i përket kamerave janë funksionale dhe ato menaxhohen nga Policia e Kosovës, sa i përket lumit "Erenik", e ka thënë edhe drejtori më herët se kanë kërkuar leje për ndërhyrje në pastrimin e lumit por kjo leje ende nuk na është dhënë nga ministria e mjedisit, departamenti i ujërave, ndersa sa i përket ndërtimit të qendrës së Junikut ju e dini se që nga viti kaluar kemi filluar me projektin dhe këtë vit kemi një çështje se mjetet e parapara për këtë projekt janë tërhequr nga thesari nga përmbaruesi.

7. Të ndryshme.

z.Zenel Maloku, u përmend në këtë mbledhje uji i pijes për lagjen "Agim Ramadani, dhe unë kisha kërkuar që kjo çështje të mos përmendet më sepse është bere si "kënga e Mujës", për këtë ujë që lagjeja "Agim Ramadani" ka për momentin ka zyrtar të komunës që thonë se është i pishëm, por me këta ujë dikush nga banorët as teshat nuk kanë me ta, a ka që edhe e pinë, çështja tjetër që u përmend inspektimi i varreve, a keni inspektor që i dërgoni të inspektoj të gjitha varret, po unë kisha kërkuar që të keni kujdes me këto gjana sepse nuk jeni përgjithmonë në komune kjo vlenë për të gjithë ne, komuna është e qytetarëve të Junikut dhe të gjithë janë të barabartë para saj dhe do ishte mirë që përderisa e kryeni atë shërbim ta kryeni me nder, keni thënë se keni nxënë vendin e parë për performansë, sat te zeza keni bërë ju mund ta keni nxënë vendin e parë për te zezat që i keni bërë, dhe ato se i keni bërë nëpër komuna tjera të Kosovës nuk kanë ndodhur, kjo është performansa e juaj dhe puna që keni bërë.

z.Lulzim Gacaferi, sa i përket ujit të pijes për Lagjen "Agim Ramadani," në 2021 kemi premtuar se kjo do të kryhet dhe përgjegjësia i bije këtij pushteti aktual që nuk e ka bërë deri tani, përgjegjësia bije mbi kryetarin dhe bartësit të tij dhe është për të ardhur keq se pse nuk ka ndodhur që uji i pijes të shkojë edhe në këtë lagje që janë banorë të kësaj komune, çështja tjetër ka të bëjë me një hapje të hapësirës që ka ndodhur në lagjen "Agim Ramadani" afër shtëpisë së drejtorit të shërbimeve publike është shndërruar një autopark, unë kam bërë një kërkesë të kryetari të komunës që të na i sjellë dy shtylla të ndriçimit publik edhe tek lagja "Oda Rezidenciale", ku parashihet të ndërtohet një lagje dhe është një investim mbi 10 milionë, dhe nga kryetari na është thënë që duhet të keni leje ndërtimi dhe normalisht se atë leje edhe kemi dhe andaj si është

e mundur qe pranë shtëpisë se drejtorit te bëni këtë hapje a neve nuk jeni ne gjendje te na bini dy shtylla te ndriçimit publik, po ashtu lagjes Juniku i ri që pronar është z. Jasiqi aty e keni instaluar ndriçimin publik a për lagjen “Oda Rezidencë” nuk e keni berë, andaj mendoj se kjo është selektive.

z.Zenun Shala, projekti ka qene i parapare deri aty ku është i ndërtuar tani, këtë e ka konstatuar edhe menaxheri i komunës por edhe menaxheri i kontratës nga ana e ministrisë, por për ta vazhduar deri aty ku ju kerkoni ne do te shijojmë mundësitë e tona buxhetore dhe besoj se do ti sjellim edhe deri aty ndriçimin publik.

z.Zenel Maloku, ne banoret e lagjes “Agim Ramadani” kemi bërë kërkesë këtu në kuvend qe hapsirat e kyoqjes ne rrugën kryesore qe shpije për Junik te jete shikueshmëria e dukshme nga ana e djathtë dhe aty ka një pengesë nga një rrethoje qe ekziston, dhe për këtë kemi njoftuar edhe komune, dhe deri tani komuna nuk ka ndërmarr asgjë për këtë çështje, unë prap bëjë kërkesë qe ne ate pjese te kete hapsir te duhur qe ne si qytetar te asaj lagjeje te kemi mundësi te kyçemi ne rrugen kryesore, sepse kështu siç është mund te ketë pasoja sepse nuk ka hapësirë te duhur te shikueshmërisë se rrugës.

z.Demokrat Ganiqaj, përshëndetje për te gjithë, për këtë kërkesë qe foli z.Maloku për këtë ar yje eshte larguar ata dhe qe po thuani ju z.Gacaferi dhe me pas kam kërkuar nga kompania qe ta shtrojë me zhavorr dhe ajo pjesë nuk është para shtëpi time por para shtëpisë se valluat, dhe atë pjese mun ta shfrytezo çdo kush, ndërsa sa i përket çështjes se e ngriti z.Maloku për rrethojën, ne si drejtori ja kemi dërguar tri here njoftimin banorit te kësaj shtëpie qe ta largoj rrethojën sepse po pamundëson shikueshmërinë e rrugës dhe po rrezikon qasjen ne rrugën kryesore, dhe tani jemi ne atë fazë qe ne forme represive ta largojmë atë rrethojë.

z.Zenel Maloku, unë vetëm po dua ta theksoj se rrafshimi i pjesës se majtë nuk është berë për dukshmërinë qe po pretendon drejtori.

z.Xhavit Velijaj, përshëndetje për te gjithë, u fol këtu për shumë gjëra, dhe nuk është e vërtet se gjithçka është zi si po pretendohet këtu nga z.Maloku, ne prej se kemi ardhur, kanë qenë premtimet kanë qenë sfidat por sfida me e madhe ka qen trashëgimia qe kemi gjetur këtu, problemet qe janë gjetur dhe qe do te shkojnë shume vite tjetera për tu sanuar, përkundër kësaj duhet te jemi te singerte se punët qe janë duke u bere dhe proceset qe po ndodhin do te perceptohen nga qytetarët dhe sfide tjerë qe po ballafaqohemi është edhe kontrata kolektive e cila po ashtu është e trashëguar dhe nga kjo janë duke na tërhequr mjetet-paratë çdo kund ku po mundeni dhe duhet te jemi real dhe ta tregojmë te vërteten, unë pajtohem qe ka hapësirë për tu përmirësuar dhe secil ka hapsir dhe mundësi për përmirësime dhe jo te gjuajmë etiketa se këtu asgjë nuk eshte bere.

z.Zenel Maloku, me gjithë respektin qe kam për ty dhe t gjithë drejtorët tjerë, tregomë çka thash se nuk është e vërtetë, kjo qe e thash është shume e pakte nga ajo se çka kame me shume për te thënë, unë asgjë s’po them çka nuk është, por ti drejtor do ishte mire qe te merresh me atë punë

qe ti je i ngarkuar, bile do ishte mire qe te tregosh për një problem qe na k ndodhur këto dite ne shkolle, sepse ne kemi informata se ka ndodhur një problem por për fat të mirë është sanuar, por po te hyje andej me treguar se çka ka ndodhur ne mandatin tuaj ti do ta kruash kryet me duar, sepse për këto qe po them kanë shkruar edhe gazetatat.

z.Besart Tofaj, unë deshta te ndërlihem me pyetjet më hershme, sa i përket cilësimit te ujit te pijes ne lagjen Agim Ramadanin ne kemi raporte nga instituti qe merret me cilësimin e ujit te pijes, edhe per inspektimin te varreza, po e theksoj prap se edhe inspektorat edhe komune edhe zjarrfikësit por edhe policia reagojnë ne bazë te një informacioni.

z.Leonard Llojuni, meqe e mori fjalën drejtori z.Velijaj, qe për mendimin tim është njeri nder drejtorët qe me se pakti ka punuar ne këtë mandat, dhe nuk ka te drejtë të flas sepse e mori fjalën pa e kërkuar nga ai asnjë sqarim, sepse askush nuk ja përmendi emrin dhe e mori fjalën për te bërë politikë, dhe meqë e mori fjalën per te berë politikë dhe ne po bëjmë politikë, ku thotë se nuk po jane mundsit, prap po thirret ne atë se pushteti I kaluar, a ne pushtet kur keni ardhur ju si LDK e keni patur moton Juniku për te gjithë a ne fakte keni punuar vetëm për LDK, drejtori dhe kryetari I kane ditur mundësitë edhe para se te vine ne pushte, dhe nuk është e moralshme te thuhet tash nuk po kemi mundësi, nuk është qe qeveria qendrore qe nuk i ka përkrahur por siç duket komuna e Junikut ja ka huqur me ka krejt, po ashtu kontrata kolektive nuk ka te bejë me pushtetin e kaluar ju e dini këtë dhe nuk ka te beje fare me komuna, po ashtu keni thënë atë e këta e ke thënë ti pikërisht kryesues se ju e keni vendin ne burg, kush shkoj ne burg askush.

z.Xhavit Velijaj, u tha se nuk kam punuar, dhe unë po ju them se ju nuk jeni ai qe me vlerësoni për punën time, duhet te bazohuni ne argumente ne fakte, ne kem berë me mijëra euro investime ne arsim jo te flasim me inate.

z.Besart Tofaj, ne i kemi berë ato premtime dhe do te mundohemi ti realizojmë, dhe e kemi ditur edhe mundësitë buxhetore por atë qe nuk e kemi ditur është se nuk i kemi ditur sfidat, sfidat qe janë kryer punimet faturat kane ardhur e lumi Erenik ka shkuar ne Gjakovë, e përmbaruesi na i merre paratë ne vitin 2025, po ashtu nuk e kemi ditur se ujin qe e ka mare Gjakova, ka me na paditur me 170000€ KRU Gjakova, po ashtu nuk e kemi ditur se kontrata kolektive do te na mere me përmbaruesin mjete qe janë paraparë për projektet e vitit të kaluar e qe ne këtë vit do te përfundon ,sikur te mos na i tërhiqnin ato mjete financiare, por edhe përkundër kësaj ne duhet te jemi falënderues ndaje qeveris qendrore se na ka perka për projekt te caktuar.

z.Lulzim Gacaferi, po më vjen mirë qe nënkryetari po e përmend ndihmën e qeverisë qendrore, sepse sikur te mos ishte qeveria "Kurti" te jau sjellë 2000000€ për segmentin e rrugës Junik-Rastavicë, 120000€ për stacion te autobusëve, 120000€ për qerdhen e fëmijëve, 650000€ për unazën e Komunës se Junikut, mbi 200000€ për kanalizime, 100000€ për rrugën Jasiq-Gjocaj, 120000€ per uren ne Jasiq e shume e shume tjera duhet te jeni mirënjohës, sepse sikur te mos ishin keto investime nga qeveria Kurti ju nuk do te kishit mundur ta bëni një punë të tillë, tash kam edhe një çështje tjetër, unë isha te shtëpia e z. Tafë Hoxha, ku është duke u ndërtuar rruga

dhe muret mbrojtës, ne mbledhjen e fundit keni thënë se nuk është e paraparë të ndërtohet trotuar ne atë pjesë, ne kemi folur me pronaret e atyre pronave dhe këta pronar na kanë premtuar se do ti lejon që aty të ndërtohet rruga me gjithë trotuar, këtë e ka pranuar edhe pronari z.Elez Hoxha, dhe unë po dua të di se kur do të fillojnë punë ne atë pjesë dhe a keni biseduar edhe ju me ta si komune, meqë e kam fjalën desha të di edhe nga drejtori i shërbimeve- publike se kur do të riparoni kamionët për zjarrfikës.

z.Dervish Bajraktari, ne në vitin e kaluar e kemi pyetur drejtoreshën e financave se a ka ma borgje të kaluara se njëmend u teprua jo borgjet jo borgjet, dhe përgjigjja ka qen se nuk ka borgje dhe tash do të fillojnë të investojnë ne projekte, dhe tash unë ju kuptoj se jeni nën ethe sepse nuk do ti keni me kto pozita që I keni jo nga ne por nga qytetaret, dhe tash prap po arsyetoheni se s'po punohet se nuk po keni para, tash po dalin faturat e lumit erenik që ju nuk i paski ditur deri sot, po ashtu po dua të them se qasja e nenkryetarit sot po me gëzon sepse ne këto tre vite e gjysmë nuk ka qene aktiv aspak, paske filluar të aktivizohesh dhe ne s'po dimë se ka je a me ata a me këta.

z.Demokrat Ganiqaj, ne e kemi një kontratë për servisimin e automjeteve dhe sa herë kanë pasur nevojë ato automjete janë servisuar, po ashtu njësi i zjarrfikësve është i pajisur me të gjitha mjetet për punë sepse kemi marr donacion nga KFOR-i Italian.

z.Zenun Shala, sa i përket rrugës tek Hoxhajt tre pronar të pronave kanë lëshuar hapësirë, z.Elez Hoxha nuk ka lëshuar hapësirë, ka lëshuar aq sa ne i kemi kërkuar ne fillim, këta tre pronarët kanë lëshuar edhe nga 50cm me shumë ndërsa z.Elez Hoxha ka qen para tre ditëve tek kryetari dhe ka thënë se nuk mundet të lëshoj më shumë sepse ka shumë pak hapësirë, dhe ne kemi ardhur në përfundim që ta ndërtojmë rrugën aq sa ka hapësirë.

z.Shpejtim Gacaferi, në mungesë të kuorumit e mbylлим mbledhjen e Marsit 2025

Procesmbajtësi:

z. Esat Hoxha



Kryesuesi i Kuvendit:

z. Shpejtim Gacaferi

